



# Akjoodoño'ykuy

Iga ikkapsyaj ikutsoñyajwi'tip je'm tootjaayi' SUP-REC-231/2023, je'm wiñtyipi'k añjago'oyi' yooxakuytikmipi'k juuty yooxayajpa ityeguetpik iga tanpatsta'mpa' mo'am ikupuujyajpa' iityam miichyajpa' ju'uts añjago'oyi', ijayka'mne'yaj uxañ aňmaatyi tyi'am nĩmpa' yi'im:

Je'm mayo'oyi' tukunamakna agosto ijaama', yi'p wisnamakna tukuteen aamtyiy, je'm wiñtyipi'k añjago'oyi' yooxakuytikmipi'k juuty yooxayajpa ityeguetpik iga tanpatsta'mpa' ikujitsgakseet SUP-REC-231/2023, iga odoy ikputyajiñ juutypik nĩmpa' je'm tootjaayi' SX-JDC-202/2023 mo'am aňtatsne'aňjak, je'm yooxakuytikmi' juuty yooxayajpa ityeguetpik iga tanpatsta'mpa' Kunusnaxyukmipi'k iñimaypa' iga wii'ayajpa' ikuyooxakayaj iga tantiwitam tiganjoompi'k mo'am afromexikanajyaj akwakyajta'iñ, iga jempi'k nĩmyajpa' ijiximi' iityam tanpatsta'mpa' yi'p aamtyiy miñpa'ap Kunusnaxyukmi'. Je'm tootjaayi' inimiñpa yi'p jixi' iga tanimaypa' juutypik wiitsaktaa:

**WIÑTYIPI'K.** Odoy akputta'iñ je'm jixi' jeempi'k iñjakwi'tip iga akwakyajta'iñ tantiwitam tantiiganjoompi'k, jempigam nĩmpa je'm tootjaayi' yaguiñpik akputtaa.

**WISNAPI'K.** Iniwagayooxayajpa' je'm yooxakuytikmi' juuty yooxayajpa ityeguetpik iga tanpatsta'mpa' Kunusnaxyukmipi'k, juuty iyooxpa'tpa' je'm wiñtyipi'k añjago'oyi' yooxakuytikmipi'k juuty yooxayajpa ityeguetpik iga tanpatsta'mpa', iwa'kyajpa' tyii'am ixunpa' iga kukakyajiñ nuntajiyimi' je'm aňmaatyi juuty nĩmpa' juutypik iwitsakyaj inimiñpa uxañ aňmaatyi iga aňkejtaap tyiityam wattaa iga iwitsakyaj; jempigam kusajta'iñ je'm aňmaatyi nuntajiyimi'.